



UKA 2017/19
02. oktober 2017
Debora Kleist

**Isumaginnittoqarfiup aqunneqarnera aaqqissuussaanelu pillugit
Inatsisartut peqqussutaata allangortinneqarnissaa pillugu
Inatsisartut inatsisat nr.xx.xxx 2017-imeersoq**

(Isumaginninnermut; Ilaqutartiinnermut, Naligiissitaanermut Inatsisinillu
Atuutsitsinnermut Naalakkersuisoq)

Isumaginninnermi Naammagittaalliuteqartarfiup sulianik ingerlatsinerata naammassiuminarsagaanera pillugu siunnersuummut Inuit Ataqatigiit ima oqaaseqaateqarniarput

Siullermik oqaatigissavarput nuannaarutigigatsigu Naalakkersuisut Inatsisartut peqqussutaata allangortinneqarnissaanut siunnersuuteqarmata. Siunnersuut aqqutigalugu inunnik isumaginninnermut tunngassuteqartuni naammagittaalliuteqarnermi pisariillisaanissaq inatsisitigullu isumannaatsunerup pitsaanerulersinnissaa kiisalu piffisat suliat suliarineqarnerinut atorneqartartut annikilisinneqarnissaat. Tamannalu inuttaasunik kiffartuusinnermi kinguneqarluarsinnaanera qulannangilaq.

Qulaani taaneqartut saniatigut Isumaginninnermi Naammagittaalliuteqartarfimmut ilaasortat ikilisinneqassapput, siulittaasullu naammagittaalliuteqartarfiup pisortaatut atorfinilluni. Tassuuna qaffasissumik, pisariinerusumik, sukkanerumillu inuttaasumut naammagittaalliuteqartumut sullissineq pitsaasoq anguneqassaaq, tamannalu Inuit Ataqatigiit nuannaarutigaat.

Siunnersuutip aamma imaraa Inunnik Isumaginninnermi Naammagittaalliuteqartarfiup allattoqarfiatalu suleriaasianut piginaatitaaffiinullu tunngavissarissaarnerulerneq. Tamannalu sulisunut sulerusussuseqarlernermik pilersitsisinnaanera takorloorneqarsinnaavoq.

Taama oqaaseqarluta siunnersuut taperserlugu aappassaaneeraneqannginnerani ataatsimiititaliamut susassaqtumut innersuuparput.